

L' Tèstamint

Sins mi ! Sins mi ! I vont rîre, i vont pèter d' rîre, i s' vont cotaper dsus m' bacha. Dji n' arè mauy viké. Îe ! K' on s' rimimbère di mi. K' on m' plore, k' pa pougnîyes on s'è rôye lès tchvias. K' on pinse èt rapinse todi à mi. K' dins tos lès lîves d' istwère on pèpètûwe mi mèmwère. K' chakon, chakène conèchinche l' pus tène stièrnichâdje di m' vikêriye. K' tèrtos l' rivikinche. K' lès scolîs, lès sincieus n' euchinche po tot potâdje ki mi à studiyî. K' on foute au feu tot lès ôtes lîves, k' on tape djus totes lès posteures èt ki l' mène seûyiche astampêye dsus totès lès pus grandès places dèès viles èt dèès vilâdjes. M' portrait sèra angué dsus lès meurs di tos lès ministères, dins lès burôs d' tos lès minisses dèl rèdjion, amon lès rcwèreus d' taces èt dins lès ospices come lès ospitaus. K' on lome a m' nom tos lès arèyoplanes, tos lès batias, tos lès bègnons come tos lès tchours. K' tos lès ôtes rwès, lès djènèraus, lès powêtes, lès tchanteus, lès filosofes seûyinche muchîs au fén fond dèès rovîyerîyes di l' istwère èt k' dji seûyiche tot seû à riglati dins lès âmes. K' on n' doninche aus baptîjîs ki mi ptit lom èt ki m' lom d' famille fuchiche pwârté pa tèrtos. K' on apurdinche à lire tot spèlant: R-a, Ra, RABULÈTS. Ki dji fuchiche dsus lès imaudjes èt lès miyons d' crwès dèès èglîjes. K' on djîjinche dèès mèsses por mi èt k' on m' î doninche à l' comunion pa bokèts. K' totès lès fènièsses lumêyes eûyinche l' couleur èt l' foûme di mès ouy, ki lès fleuves come lès richots dèssiniche m' bia vizâdje ! K' on seûye todi à m' uchî, k' on m' dimande, k' on m' rèclame, k' on m' prîye, k' on m' suplîye. Waîtîz à vos ! Dji m' va ptète rabroker. K' on wârde avou sogne mi cwârp bèn ètîr d' sus l' trône, k' on m' î apwate todi plin d' amougnî. K' lès djouweus d' muzike mauy n' si djokinche èt k' lès pus bèles dèès

bauchèles, dimèrêyes pucèles, si cobèrolenuchinche dlé mès pîds rafrèdis...
(A l' après di "Li Rwè k' a l' mora" da Ionèsco)

L' Djoûrnêye s' fini

Dzos one lumêre grigneuse,
S' cotape, s' twartchîye sins rèjon,
L' Vîye, arnauje èt tigneuse.
Bén rade è m' maujon

L' ayèssante nût monte,
Rapaujant tot, minme li fwîn,
Ramonant tot, minme li onte,
L' powête si dit : " Il èst tîmps !

M' n' âme, come mi skine,
Vôrîne bèn s' ripwaser.
M' keûr si chagrine,

Dji m' va m' ècraser,
Dins vos linçous, n' pus djâzer,
Îe, nûtêye èstant kine ?"

(A l' après d' Châle Baudlîre)



On comache todi...